

新聞出版改革發展項目庫（項目號：0020121580）  
財政部文化產業發展專項資金重點資助項目  
天一閣藏古籍珍本數字出版工程

龔延明 主編

天一閣藏

# 明代科舉錄選刊

鄉試錄（三）

順天府鄉試錄序  
聖天子重頌慶正化天下成文明  
之治已閱十年於茲時  
上下交孚明德允頤萬家樂耕故  
日月星辰履慶年天而天之文  
以者百歲草木嘉乎三而地

寧波出版社

新聞出版改革發展項目庫（項目號：0020121580）  
財政部文化產業發展專項資金重點資助項目  
天一閣藏古籍珍本數字出版工程

龔延明 主編

天一閣藏

# 明代科舉錄選刊

鄉試錄（三）

順天府鄉試錄序

聖天子重明嚴正化天下成文明

之治已閱十年餘維時

上下交孚明德光顯萬象煥新故

日月星辰麗乎天而天之文

以著百穀草木麗乎土而地

# 本册目錄

天順六年山東鄉試錄 .....	1833
成化元年山東鄉試錄 .....	1857
成化十年山東鄉試錄 .....	1881
成化十六年山東鄉試錄 .....	1907
成化十九年山東鄉試錄 .....	1932
弘治八年山東鄉試錄 .....	1959
正德八年山東鄉試錄 .....	1990
正德十一年山東鄉試錄 .....	2021
嘉靖四年山東鄉試錄 .....	2051
嘉靖七年山東鄉試錄 .....	2085
嘉靖十九年山東鄉試錄 .....	2115
嘉靖二十八年山東鄉試錄 .....	2148
嘉靖三十四年山東鄉試錄 .....	2182
嘉靖三十七年山東鄉試錄 .....	2215
嘉靖四十三年山東鄉試錄 .....	2251
隆慶四年山東鄉試錄 .....	2287
萬曆四年山東鄉試錄 .....	2323
萬曆七年山東鄉試錄 .....	2356
萬曆十年山東鄉試錄 .....	2393
天順六年山西鄉試錄 .....	2428

成化二十二年山西鄉試錄 .....	2455
弘治五年山西鄉試錄 .....	2482
正德二年山西鄉試錄 .....	2508
正德八年山西鄉試錄 .....	2535
正德十一年山西鄉試錄 .....	2566
正德十四年山西鄉試錄 .....	2597
嘉靖元年山西鄉試錄 .....	2627
嘉靖十六年山西鄉試錄 .....	2659
嘉靖二十五年山西鄉試錄 .....	2693

## 天順六年山東鄉試錄

### 山東鄉試錄序

公務除宿弊外而防範則有欽差監察御史李勝左參政柳春右參政李讚黃宗左參議甘敬修右參議賈恪副使張穆徐朝宗僉事王麟劉進莊昇徐毅陳勛王輅周濠罔不協心殫慮贊厥成功撤棘之日得文之明於經術者七十五人登名小錄僉謂宗宜序諸首簡予惟聖人之道寓于經術學者必先明經術而後道可明道之不明經術之不明也然自三代而下經術之不明久矣我朝以經術養士以經術取士士皆以經術自期待由是經術始明經術既明而聖人之道斯明焉蓋聖人之道蘊之則為德行發之則為文章行之則為事業今諸士子登名是錄皆明乎經術者所蘊固知其為德行矣所發固知其為文章矣行將上春官對大廷吐胸中之經術而薦之商鼎為盐為梅尚當上以經術而事君下以經術而澤民是經術之效又著之于事業此道之明經術之明也雖然道之明固本於經術經術之明尤本於心術心術正則經術明經術明則道明矣是經術者明道之本正心者其明經術之本乎諸士子其正心哉予日望之

直隸揚州府儒學教授莆田林宗序

### 天順六年鄉試

#### 監臨官

巡按山東監察御史楊釜（受調福建長泰縣人 甲戌進士）

#### 提調官

山東等處承宣布政使司左布政使原傑（子英山西陽城縣人 乙丑進士）

山東等處承宣布政使司右布政使曾翬（時升江西泰和縣人 癸丑進士）

**監試官**

山東等處提刑按察司按察使王越(世昌直隸濬縣人 辛未進士)

山東等處提刑按察司副使李琮(廷用山西沁州人 壬子貢士)

**考試官**

直隸揚州府儒學教授林宗(存敬福建莆田縣人 甲子貢士)

直隸永平府儒學教授周琳(魁琳江西吉水縣人 己酉貢士)

**同考試官**

河南開封府許州儒學學正黃巖(世瞻福建龍溪縣人 丁卯貢士)

陝西鞏昌府階州儒學學正趙純(希文浙江嘉善縣人 癸酉貢士)

江西贛州府寧都縣儒學教諭楊武(德毅福建漳浦縣人 丁卯貢士)

浙江金華府金華縣儒學訓導張侄(獻銘江西吉水縣人 丁卯貢士)

河南河南府永寧縣儒學訓導郭旻(體仁江西萬安縣人 庚午貢士)

**收掌試卷官**

兗州府沂州郟城縣主簿王儼(民望江西泰和縣人 壬戌進士)

**印卷官**

山東等處承宣布政使司經歷司經歷石鼎(宗器山西保德州人 監生)

**受卷官**

濟南衛經歷司經歷孫賢(良臣河南臨漳縣人 監生)

**彌封官**

兗州府曹州知州伍禮(天秩江西臨川縣人 儒士)

萊州府膠州同知王鍾(期山直隸靜海縣人 壬子貢士)

**謄錄官**

濟南府新城縣知縣白瑛(景玉山西代州人 戊午貢士)

濟南府長山縣知縣丘文聰(守愚順天府通州人 丁卯貢士)

**對讀官**

兗州府東平州知州潘洪(克寬廣東番禺縣人 丁丑進士)

濟南府武定州商河縣知縣劉俊(朝用河南新鄉縣人 丁丑進士)

**巡綽搜檢官**

昭勇將軍濟南衛指揮使劉智(宗哲直隸曲州縣人)

懷遠將軍濟南衛指揮同知曹珎(國璽直隸含山縣人)

武德將軍濟南衛中所正千戶張忠(克政河南遂平縣人)

武德將軍濟南衛左所正千戶余福(壽之江西宜春縣人)

**供給官**

濟南府經歷司經歷王政（尚德陝西寧州人 監生）

濟南府武定州陽信縣試知縣白旻（彥和陝西保安縣人 監生）

**第一場****四書**

公叔文子之臣大夫僕與文子同升諸公 合內外之道也故時措之宜也 我善養吾浩然之氣敢問何謂浩然之氣曰難言也其爲氣也至大至剛以直養而無害則塞于天地之間其爲氣也配義與道

**易**

包荒得尚于中行以光大也 晉康侯用錫馬蕃庶晝日三接彖曰晉進也明出地上順而麗乎大明柔進而上行是以康侯用錫馬蕃庶晝日三接也無有師保如臨父母 夬者決也決必有所遇故受之以姤姤者遇也物相遇而後聚故受之以萃萃者聚也聚而土者謂之升故受之以升

**書**

無自廣以狹人 汝劼毖殷獻臣侯甸男衛矧太史友內史友越獻臣百宗工矧惟爾事服休服來矧惟若疇圻父薄違農父若保宏父定辟矧汝剛制于酒 曰其稽我古人之德矧曰其有能稽謀自天 其勿誤于庶獄惟有司之牧夫其克詰爾戎兵以陟禹之迹方行天下至于海表罔有不服以覲文王之耿光以揚武王之太烈嗚呼繼自今後王立政其惟克用常人

**詩**

十月蟋蟀入我床下穹窒熏鼠塞向墜戶嗟我婦子曰爲改歲入此室處有兔斯首炮之燔之君子有酒酌言獻之有兔斯首燔之炙之君子有酒酌言酢之有兔斯首燔之炮之君子有酒酌言醕之 于周受命自召祖命 於皇來牟將受厥明明昭上帝迄用康年

**春秋**

鄭伯使宛來歸昉（隱公八年）齊人來歸衛俘（莊公六年）齊人來歸鄆龜陰田（定公十年）天王使石尚來歸脈（定公十四年） 郟黎來來朝（莊公五年）介葛盧來介葛盧來（僖公二十九年） 狄伐邢（莊公三十二年）齊人救邢（閔公元年）邢遷于夷儀齊師宋師曹師城邢（僖

公元年)狄圍衛衛遷于帝丘(僖公三十一年) 齊仲孫來(閔公元年)  
宋公曹伯衛人邾人伐齊宋師及齊師戰于甌齊師敗績(僖公十八年)

### 禮記

進退有度左右有局各司其局 君子如欲化民成俗其必由學乎玉不琢不成器人不學不知道是故古之王者建國君民教學爲先 故明乎其節之志以不失其事則功成而德行立 臣下竭力盡能以立功於國君必報之以爵祿故臣下皆務竭力盡能以立功是以國安而君寧

## 第二場

### 論

聖賢樂善之誠

詔誥表(內科一道)

擬漢宣帝令郡國舉孝弟行義詔 擬唐以陽城爲諫議大夫誥 擬宋蔡抗上書傳表

判語(五條)

貢舉非其人 官文書稽程 市司評物價 出使不復命 不操練軍士

## 第三場

策(五道)

問 仁者本心之德孝者百行之原考之論語孔子弟子問仁者多矣而孔子獨許回也其心三月不違仁何歟問孝者多矣而獨稱孝哉閔子騫又何與恭惟聖朝以仁孝治天下我太祖高皇帝御製大誥三編其間勸人爲善行孝之實昭如日星可歷指其實歟太宗文皇帝製爲善陰隲書所載有謂仁厚仁恕仁恤仁惠仁直溫仁者孝順事實書所載有謂大孝達孝巨孝幼孝純孝貧孝者其人之事實可得而悉數歟宣宗章皇帝纂輯五倫書有止於仁止於孝者亦可得詳其義歟誥書之所著與論語之所記其仁孝果同一道歟抑別有其說歟此皆聖人垂世立教之大典學者不可不講也請悉心以對

問 朱子序中庸既曰道學又曰道統何所別歟說者以爲達而在上謂之道統窮而在下謂之道學果然歟否歟既以道統爲達而在上則如堯舜禹湯文武是已果以何道授受而無事於學歟既以道學爲窮而在下則如孔曾思孟是已果以何學相傳而無與於統歟若以道統爲無與於學則禹之精一

文之敬止武之訪道非學歟若以道學爲無與於統則孔傳之曾曾傳之子思孟子非統歟孟子歿而其傳泯焉則道學之所寄果何在歟至宋濂洛關閩諸儒者出說者謂其接道學之傳可得聞其詳歟洪惟我朝列聖相承接唐虞三代之道統其道學之任不知又何所在歟願聞其說

問 文者貫道之器孔子刪詩書定禮樂贊周易修春秋皆所以明斯道也後世諸儒有擬聖而著作者續詩書論禮樂作元經作易贊果足以明斯道歟又有作大玄以準易之象數者作離騷以效詩之比興者易編年爲紀傳之體者補湯征一篇之缺者與夫綿蕞之習河間之獻亦有得於聖人六經之旨歟三代以降著述者非一人豈無得於聖人之意者歟諸士子游心方策非一日矣必能言之請著于篇

問 射者男子之事也論語曰射不主皮中庸曰射有似乎君子孟子曰仁者如射然則射者誠男子之事也射有五射可得詳其目而講其義歟習射必用矢造矢之術相矢之法可得聞歟發矢必用弓弓有六材必歷四時而後成何歟射必以侯爲的侯之取義可得聞歟周人習射乃立侯而射之是何歟其說見於祭侯之禮可得聞其詳歟射一也又有皮侯采侯獸侯三者之不同何歟諸士子皆習男子之事者詳言之以觀所學

問 孔子曰苛政猛于虎然不特苛政也凡足以害人者皆虎也試舉一二以相講一曰盜賊竊發二曰豪俠凌人三曰妄興告訐四曰兵隸侵漁五曰奸吏玩法六曰同寅不恭七曰過客需求是皆非虎似虎以害人者不可以不除也諸士子將有民社之寄抑欲使盜者息豪者懾訟者惧兵爲之斂迹吏爲之縮手同寅更讓過客引避果何道以處之歟詳陳之以觀他日爲政之張本

## 中式舉人七十五名

- |     |    |         |    |
|-----|----|---------|----|
| 第一名 | 梁謙 | 武城縣學增廣生 | 書  |
| 第二名 | 崔森 | 濟南府學生   | 詩  |
| 第三名 | 胡浚 | 茌平縣學生   | 易  |
| 第四名 | 成章 | 青城縣學生   | 春秋 |
| 第五名 | 楊璽 | 禹城縣學生   | 禮記 |
| 第六名 | 官廉 | 平度州學生   | 書  |
| 第七名 | 石溫 | 昌樂縣學生   | 詩  |
| 第八名 | 王玘 | 金鄉縣學生   | 易  |

- 第九名 梁璉 聊城縣學生 春秋  
第十名 李穆 青城縣學生 禮記  
第十一名 吳溥 德平縣學增廣生 詩  
第十二名 吳潤 德平縣學增廣生 書  
第十三名 李佐 東平州學生 詩  
第十四名 張雄 范縣學增廣生 書  
第十五名 張錫 單縣學增廣生 易  
第十六名 石溫 曲阜縣學生 詩  
第十七名 吳哲 遼東廣寧左右中右屯廣寧衛學軍生 書  
第十八名 盧瓚 萊州府學軍生 詩  
第十九名 曹英 壽張縣學增廣生 春秋  
第二十名 韓輓 高苑縣學生 易  
第二十一名 沙慶 寧海州學生 禮記  
第二十二名 言芳 鄒平縣學生 書  
第二十三名 周正 冠縣學生 詩  
第二十四名 王珣 曹縣學生 書  
第二十五名 王鏜 城武縣學生 詩  
第二十六名 鮑克寬 兗州府學生 易  
第二十七名 董璽 歷城縣學生 春秋  
第二十八名 李聰 膠州學生 詩  
第二十九名 陸本正 遼東廣寧左右中右屯廣寧衛學軍生 書  
第三十名 潘銓 遼東都司學軍生 詩  
第三十一名 蔣昺 丘縣學生 禮記  
第三十二名 陳寧 寧陽縣學生 詩  
第三十三名 段續 禹城縣學生 書  
第三十四名 王雄 夏津縣學生 易  
第三十五名 趙鑒 齊河縣學增廣生 詩  
第三十六名 李達 濟陽縣學增廣生 書  
第三十七名 畢大經 城武縣學增廣生 詩  
第三十八名 智深 青城縣學生 春秋  
第三十九名 高昇 遼東都司學軍生 詩  
第四十名 徐舟 曹州學生 書

- 第四十一名 靳亮 館陶縣學生 詩
- 第四十二名 徐肅 曲阜縣學生 易
- 第四十三名 王凱 青州府學生 詩
- 第四十四名 劉恩 德州學生 書
- 第四十五名 張紀 堂邑縣學生 易
- 第四十六名 李深 遼東都司學軍生 詩
- 第四十七名 劉清 壽張縣學生 春秋
- 第四十八名 劉濱 長清縣學生 禮記
- 第四十九名 欒琪 禹城縣學生 書
- 第五十名 孫達 遼東都司學軍生 詩
- 第五十一名 朱清 沂州學生 書
- 第五十二名 宋相 即墨縣學生 易
- 第五十三名 王坦 平原縣學生 詩
- 第五十四名 王瑛 新泰縣學生 書
- 第五十五名 李芳 利津縣學生 春秋
- 第五十六名 朱衡 夏津縣學生 詩
- 第五十七名 董震 壽張縣學生 書
- 第五十八名 張文昭 東昌府學生 易
- 第五十九名 李搗謙 郟城縣學生 書
- 第六十名 李翱 武城縣學增廣生 詩
- 第六十一名 李克恭 滋陽縣學生 禮記
- 第六十二名 馬葳 武定州學生 易
- 第六十三名 楊潤 莘縣學生 詩
- 第六十四名 王顥 平度州學增廣生 書
- 第六十五名 于璧 新城縣學生 易
- 第六十六名 崔騰 茌平縣學生 詩
- 第六十七名 侶鍾 鄆城縣學增廣生 書
- 第六十八名 魏傑 德州學生 詩
- 第六十九名 高儀 范縣學增廣生 書
- 第七十名 張明 夏津縣學生 易
- 第七十一名 張和 陽信縣學生 詩
- 第七十二名 井儀 東阿縣學生 書

- 第七十三名 林顯 莊平縣學生 詩  
 第七十四名 孫瑜 濟南府學生 易  
 第七十五名 李天錫 高唐州學生 書

## 第一場

### 四書

公叔文子之臣大夫僕與文子同升諸公

梁謙

同考試官學正黃批（題本平易作者多浮泛不切此篇辭理俱優宜表出之）

考試官教授周批（辭簡理明可取）

考試官教授林批（融會傳注以成文可佳）

薦私家之臣而同為公朝之臣此大夫之善也蓋臣之事君莫先於薦賢大夫知家臣之賢得不薦之同進為公朝之臣哉且公叔文子衛大夫僕則文子之家臣也然大夫之位尊家臣之職賤何文子以大夫之尊而薦家臣之賤乎必其僕之德足以尊主而庇民僕之才足以修政而立事故文子不以己之尊而廢彼之賤舉其德而進之為大夫其職任與己相似也薦其才而引之于公朝其班列與己相并也由家臣而進為大夫無一毫嫉賢之心自私家而引于公朝無纖芥蔽賢之意是則不惟有知人之智而又有忘己之公不惟有忘己之公而又有事君之忠文子之善為何如哉故吾夫子於其既謚之後聞其嘗有此薦賢之美事而稱之曰可以為文矣以見文子之所為如此是亦無愧於文之謚矣非指此為文也學者不可不知

合內外之道也故時措之宜也

崔森

同考試官訓導張批（此題學者但知以仁智為內外不知其本之於誠此篇體認切實行文通暢宜在前列）

考試官教授周批（此作深合本旨）

考試官教授林批（詞暢而不悖於理佳作也）

理無所殊事無不可一誠之所為也蓋誠之理包乎仁知而無內外之殊

苟有以得於己則見之於事夫豈不隨時而當其可哉今夫人得誠之理以爲仁知之性今不謂之理而謂之道者蓋以道乃實理之可由也然理無不同則道無不同矣又何以有內外之分歟蓋內者指成己之仁而言外者指成物之知而言內之仁固吾性之本然外之知亦吾性之固有仁存於內而道自行於己知發於外而道亦行於彼兼乎內而道不遺乎知貫乎外而道必本乎仁故曰合內外之道也然仁知具內外合則道有得於己故見之於事如時當孝親也則措之以仁仁必能孝其親如時當用賢也則措之以知知必能用其賢日用之間泛應曲當仁自內而發見云爲之際隨時處中知由外而流通故曰時措之宜也是則內外之合時措之宜何莫而不本於誠哉大抵中庸此章子思子言人道也然誠之所以爲仁知者由成己之仁發而爲成物之知則知固自仁中出矣又能合乎時措之宜則義又從是而生而義亦自仁中出矣仁也知也義也一以貫之皆實理之所爲也

我善養吾浩然之氣敢問何謂浩然之氣曰難言也其爲氣也至大至剛以直養而無害則塞于天地之間其爲氣也配義與道

胡浚

同考試官訓導郭批（長題貴包括此篇辭約理明蓋嘗用心於本領者高薦何忝）

考試官教授周批（此篇優於他作）

考試官教授林批（明白簡當宜置高選）

大賢以養氣爲己任故門人問之而語以難言言之而該夫體用也蓋浩然之氣雖所難言其體段功用則有可言也大賢以是而告門人非善養是氣其能然哉昔孟子告公孫丑若曰浩然之氣天地之正氣人得之以生體具之以充盛大流行本無虧欠但人失養而致其餒我則善養而復其初焉丑聞是言乃謂夫子所養之氣不知何如其浩然也孟子以爲是氣也得之於心無形聲之可驗體之於己非言語之可名然即其體用而言之斯可識矣以言其體則至大初無限量至剛不可屈撓惟其自反而縮不助其長則復全乎本體而不虧充塞乎天地而無間以言其用則養成此氣自有以配乎道義義者人心之裁制道者天理之自然合乎義而爲之助則見義必爲而無所疑合乎道而爲之助則見道必行而無所懼孟子論浩然之氣有及於此則實有是氣可知矣考之是章公孫丑疑孟子動心孟子言知言養氣之功丑又疑其知言養氣之既聖孟子遂極言夫子之聖要之夫子之聖不假乎知言養氣而孟子知言

養氣乃學而至聖也學者不可不知

易

包荒得尚于中行以光大也

胡浚

同考試官訓導郭批（作者止言包荒而不知通解四者之義此篇講貫無遺用錄以爲義經冠）

考試官教授周批（治泰之道本於德深合經旨）

考試官教授林批（辭理明白佳作也）

處泰之道盡其善由德之極其盛也蓋德乃行道之本苟無光大之德則治泰之道豈能合于中行之善哉今夫泰之九二以剛居柔上應六五主乎泰者也周公既以包荒用馮河不遐遺朋亡得尚于中行係其爻吾夫子於此獨舉包荒得尚于中行之一語而通釋四者之義謂夫泰寧之世法度廢弛人情憚於更變故寬則失於柔猛則失於剛然必以包容荒穢之量施馮河果決之勇則剛柔相濟而合于中道矣泰寧之時庶事不周人情肆而無節故忘遠則輕於彼狎邇則重於此然必外不遺遐遠之才內不昵朋比之私則輕重不偏而合乎中行矣處泰之道盡善如此豈無自而然哉由其德之光大耳光則德之昭著于外者有英華之可見即坤六三光大之光也大則德之涵泳於己者無限量之可拘即渙六四光大之大也是則德以行其道道以本諸德治泰之善豈復有加於此哉雖然程子釋泰九二以爲合中行之德朱子以爲合中行之道蓋有其德則道自然而光大盡其道則由於有光大之德也一則推其用一則原其本要之同歸於理而已

無有師保如臨父母

王玘

同考試官訓導郭批（此題似易而實難作者不失之泛則失之略此篇詞理俱到宜表而出之）

考試官教授周批（說出學易者戒懼之意可取）

考試官教授林批（得潔靜精微之旨）

不見其所當敬如見其所當親此學易者戒懼之至也蓋師保所當敬而父母所當親也學易君子雖无師保常若父母臨之則戒懼之意何其至哉今夫師者教之道保者輔其躬人之至敬者莫有過於師保也父□生我母□育我人之至親者莫有過於父母也君子知易之爲書有以明憂患之故有以示吉凶之理

是以嚴恭寅畏而小心翼翼雖无其師常如父母之在其前一毫放肆之心無有焉憂勤惕厲而終日乾乾雖无其保常若父母之臨其側一毫怠惰之意無有焉聖人言此以見易之爲書不可遠而人之於易豈可有一時之不戒懼哉抑考此章專論玩辭觀變爲學易之事上言周流六虛上下剛柔唯變所適觀變之事此言明於憂患而如父母之臨玩辭之事下言率辭揆方而有典常終之以苟非其人道不虛行則觀變玩辭之學深有望於其人也學易者勉之

### 書

曰其稽我古人之德矧曰其有能稽謀自天

梁謙

同考試官學正趙批（召公告成王言老臣能知古知天君當用之而不可遺此作燭理明徹而文足以發之是用錄出）

考試官教授周批（燭理既明遺辭亦順宜居前列）

考試官教授林批（辭發乎理可取）

大臣言老成之臣不惟能知古而又能知天蓋知古則事有所證知天則理無所遺君天下者其可遺老成之臣哉昔召公致告成王之意若曰堯舜禹湯之治化皋陶伊傅之事業載諸典冊詳矣老成之臣考之熟而聞見遠究之審而知識明人君能親是人則今日所行之事有所據而非臆見今日所施之政有所稽而非私智是固不可遺也若夫天命去留之靡定天心眷顧之無常泯然而無迹矣老成之臣發一謀慮必決諸天意定一議論必合乎天道人君不棄是人則出入起居一循乎理而非人爲之私好惡用舍不違乎天而非一己之謀是尤不可遺也然則繼世之君可不知所務哉抑又論之老臣之有益於人國也尚矣守成之主孰不樂用新進而疏遠老成哉召公知其然故於洛邑既成成王始政因周公之歸作書致告達之于王拳拳以無遺壽考爲言其知所先務矣噫湯之先民時若武王之訪道箕子同此意也

其勿誤于庶獄惟有司之牧夫其克詰爾戎兵以陟禹之迹方行天下至于海表罔有不服以覲文王之耿光以揚武王之大烈嗚呼繼自今後王立政其惟克用常人

官廉

同考試官學正趙批（此卷七篇俱優而是篇說出周家謹兵刑任常人之意尤佳用錄爲壁經冠）

考試官教授周批（經旨詳明可佳）

考試官教授林批（簡潔可取）

大臣既告君致謹於刑而盡治兵之責又告君相繼爲治而嚴用人之道蓋立政以兵刑爲重而尤以得人爲本也人君其可以不知所務哉宜周公舉以爲成王告也其意謂夫刑獄民命所繫政之大者也豈可不謹之邪必也罔兼于茲一委於有司之牧夫而盡信任之道罔知于茲一付於典獄之當職而極委任之專是謹刑有以專其任矣夫刑固所當謹而兵尤刑之大者也安可不治之邪必也整爾戎服修爾兵器于以壯天威以陟禹之迹則弼成五服無尺地而非有于以廣德威而方行天下則華夏蠻貊無一人而不服由是文王耿光有以覲之而益顯不異光于四方之日武王大烈有以揚之而益著無異永清四海之時是治兵有以盡其責矣周公以是告成王可謂至矣而猶以爲未盡其意故又嘆息并周家後王而戒之蓋謂政固莫大於兵刑而尤莫急於得人故自今王以及後王之立政要當任官惟賢位事惟能受刑職者無非宅俊之人任兵責者無非成德之彥夫然則所用皆常人而政無不立矣大抵周公言庶獄而繼以治兵之戒蓋犴獄之間尚恐一刑之誤而六師萬命之衆誠不可不審而舉之也然言兵刑而繼以用人之說又有以見立政以得人爲本而兵刑尤宜任之常人也讀者尚有考焉

詩

有兔斯首炮之燔之君子有酒酌言獻之有兔斯首燔之炙之君子有酒酌言酢之有兔斯首燔之炮之君子有酒酌言疇之

崔森

同考試官訓導張批（此詩述主人之謙辭以見真德實意之所寓是篇合於經旨故錄出之）

考試官教授周批（燕飲之禮在誠不在物此作得之）

考試官教授林批（辭婉理順可取）

薦至薄之物以成燕飲之禮此述主人之謙辭也蓋燕飲之禮在誠不在物也今主人以薄物而燕飲夫賓客其真德實意從可知矣詩人述而咏歌之豈不宜哉想夫古人燕飲賓客不貴乎品物之曲全也故其爲肴惟一兔而已是兔也不惟炮之燔之抑且燔之炙之焉不惟燔之炙之抑且燔之炮之焉既炮之以去其毛又燔之以加諸火既燔之以加諸火而又以物貫之加于火上以炙之是治之有其方矣夫一兔至薄之物而治爲燕賓之殽非異饈也似不足以奉乎賓殊不知燕飲之禮在乎誠豈以物之厚薄爲較哉故君子有酒必舉爵而酌是酒以獻于賓賓既卒其爵而酌是酒以酢主人則獻酢之禮行矣

斯時也不徒賓既卒爵而酌是酒以酢主人而主人又自飲復酌是酒以醕於賓焉則醕酢之禮成矣吁以一兔爲肴而行乎燕飲之禮因燕飲之禮而見其誠意之孚先王之愛賓何其至哉大抵此詩極言其燕賓之物薄而魚麗則又極言其燕賓之物豐何耶蓋魚麗道達主人優賓之意故言其豐此則述主人之謙辭故言其薄物雖有厚薄之分盡誠於賓客則一而已讀詩者不可不知

于周受命自召祖命

石温

同考試官訓導張批（此題作者雖知宣王策命穆公而多欠本其祖以寵異之之意獨此篇發揮詳明非熟於葩經者不能宜置前列）

考試官教授周批（此篇寫出宣王策命之意深得本旨）

考試官教授林批（理明辭贍佳作也）

王者錫臣以策命必本其封祖之禮以寵異之也蓋策命者報功之盛典也今宣王報穆公之功本其封祖之禮其寵異之何其至哉思昔召穆公平淮南之夷有功而歸宣王策命之意以爲山川之錫我不敢專必往于岐周以錫之焉土田之賜我不敢擅必至于祖廟以命之焉所以然者何哉蓋以昔爾祖康公輔我文武有循行南國之功我祖文武曾於此而錫命於爾祖康公矣今爾能平服淮夷其功即爾祖康公之功我之錫爾得不用我祖錫命爾祖之所而命之乎我祖文武任爾祖康公有闢國百里之迹爾祖康公嘗於此而受命於我祖文武矣今爾能開復侵地其迹即爾祖康公之迹汝之受賜可不從汝祖受命於我祖之處而受之乎其寵異之至爲何如哉噫斯時也賞非先王之私賞如稟命於乃祖文武也功非穆公之己功如受教於乃祖康公也使穆公思文武康公之德必能盡心盡力以報宣王之德矣不特此也宣王中興北伐獫狁而有吉甫之良臣南征蠻荆而有方叔之賢將諸臣之力皆足以用之而卒致再造之業此穆公有錫命之典宣王爲有周之令主也歟

春秋

鄭伯使宛來歸昉（隱公八年）齊人來歸衛俘（莊公六年）齊人來歸鄆謹龜陰田（定公十年）天王使石尚來歸脤（定公十四年）

成章

同考試官學正黃批（此篇以傳注組織成文深合題意宜置高選）

考試官教授周批（簡潔明白足見筆力）

考試官教授林批（此篇以利禮立說深得屬辭比事之意）